

Paerewa Paetae**Aronga** Te Reo Rangatira 1.4**Ingoa** Te whakamārama i ngā āhuatanga motuhake o tētahi momo reo kua ākona**Kaupae** 1 **Whiwhinga** 4 **Aromatawai** Ā-waho**Marau akoranga** Te Marautanga o Aotearoa**Kokonga akoranga** Te Reo Rangatira**Mana rēhita** Kua rēhitatia **Te rā i mana ai** Hakihea 2023**Te rā e arotakengia ai** Hakihea 2028 **Te rā i puta ai** Hakihea 2023**Te Whāinga**

Ko tā tēnei paerewa he aromatawai i te kaha o te ākonga ki te whakamārama i ngā āhuatanga motuhake o tētahi momo reo.

Paearu Paetae

Paetae	Hei tohu i te paetae: <ul style="list-style-type: none">Ka whakamārama i ngā āhuatanga motuhake o tētahi momo reo kua ākona.
Kaiaka	Hei tohu i te kaiaka: <ul style="list-style-type: none">Ka hōhonu te whakamārama i ngā āhuatanga motuhake o tētahi momo reo kua ākona.
Kairangi	Hei tohu i te kairangi: <ul style="list-style-type: none">Ka tōtōpū te whakamārama i ngā āhuatanga motuhake o tētahi momo reo kua ākona.

Kōrero Āpiti

- 1 I ahu mai tēnei paerewa paetae i te Taumata 6 o Te Marautanga o Aotearoa (Te Tāhuhu o te Mātauranga, 2017). E hono ana ki te Papa Whakaako mō Te Reo Rangatira kei: <https://ncea.education.govt.nz>.

Whāinga Paetae

Puna Reo

6.3 ā Waha

Ka whānui te puna kupu e taea ai te tautoko, te whakawhitiwhiti māramatanga, te whakakotahi hei whakatau, hei whakaiti rānei.

6.4 ā Waha

Ka hāngai te whakatakoto kupu ki ngā ture o te reo.

Rautaki Reo

6.6 ā-Tā

Ka āta whakamahi i ngā āhuatanga maha o ngā momo reo tuhi hei whakaniko i ngā tuhinga whānui.

2 E whai ake nei ngā whakamārama mō ngā paearu paetae:

Ka whakamārama i ngā āhuatanga motuhake o tētahi momo reo kua ākona.

- Ka tautohu i ngā āhuatanga motuhake o te momo reo.
- Ka whakaatu māramatanga ki te momo reo.
- Ka mārama te reo whakamārama.

Ka hōhonu te whakamārama i ngā āhuatanga motuhake o tētahi momo reo kua ākona.

- Ka whakaahua i ngā āhuatanga motuhake o te momo reo.
- He whānui te māramatanga ki te momo reo ka kitea.
- Ka whitake te reo whakamārama.

Ka tōtōpū te whakamārama i ngā āhuatanga motuhake o tētahi momo reo kua ākona.

- Ka matapakihia ngā āhuatanga motuhake o te momo reo.
- He whaihua te reo o te whakamārama.

3 E whai ake nei ngā whakamārama mō ngā kupu me ngā kīanga whitake matua o te paerewa nei:

<i>ngā āhuatanga motuhake o te momo reo</i>	<p>Ko ngā āhuatanga motuhake, ko:</p> <ul style="list-style-type: none"> • te pūtake o te tuhinga me te hunga pānui, ko wai mā te hunga pānui • ngā whakaaro matua, te horopaki, te kaupapa • ngā āhuatanga reo: • ko te whakataukī • ko te reo peha • ko te kupu taurite • ko te huarite
---	--

	<ul style="list-style-type: none"> • ko te kīwaha • ko te kīpeha • ko te kīrehu • ko te huahuatau • ko te wetewete reo • ko te paparuatanga • te hanganga tuhi (arā, ko tā te kaituhi, kaitito rānei whakarite i te noho mai o ōna whakaaro i roto i tana tuhinga, tana kōrero rānei, pērā i: te mihi, te kupu whakataki, te kōwae whakakapi, te raupapa o ngā whakaaro, te tuhi kōwae, te tuhi whiti, te whakatakoto ariā matua me ngā ariā tautoko).
<i>ka hōhonu te whakamārama</i>	He whānui tana mōhio ki te momo reo, ā, ka tāpiri i ētahi taipitopito hei whakaahua i te momo reo. Ka kōrerohia ngā hua (pai, kino rānei), me ngā pānga o te momo reo ki te kaiwhakarongo, ki te kaipānui, kaimātakitaki rānei.
<i>momo reo</i>	Ko ngā momo reo e pai ana i tēnei taumata, ko; <ul style="list-style-type: none"> • te waiata • te haka • te pakiwaitara • te pūrākau • te reo pāpāho • te toikupu • te whakaari.
<i>ka matapakihia ngā āhuatanga motuhake</i>	Ka tautokona ngā āhuatanga motuhake kua tautohua ki ētahi tauira, ā, ka kōrerohia: <ul style="list-style-type: none"> • ngā hiahia o te kaituhi, kaikōrero rānei • te kaupapa o te tuhinga/kōrero • te take o te kōrero (te āheinga reo, arā, te take e whakapuakina ai tētahi kōrero).
<i>ka whaitake te reo whakamārama</i>	He whaitake, he hāngai te reo whakamārama, tae atu ki ngā kupu me te hanganga o te reo.
<i>tōtōpū</i>	Ka whai whakaaro ki te whānuitanga o te whakamārama, ki ngā whakaaro matua me ngā āhuatanga whāiti, ki ngā tauira hei tautoko ake, me te āhua o te whakaahuatanga.
<i>ka tautohu i ngā āhuatanga motuhake</i>	Ka whakaatu i tana mōhioanga waiwai ki ngā āhuatanga motuhake o te momo reo. Ko ngā āhuatanga motuhake i maharatia, he whaitake, ā, e tino whai wāhi ana ki te momo reo kua ākona.

<i>ka whaihua te reo</i>	He nahanaha te takoto o ngā kōrero, he arorau te raupapa o ngā whakaaro. He koi, he popoto te kōrero. He hāngai, he tika, ā, ka kotahi atu ki te whakamārama i ngā āhuatanga motuhake o te momo reo. Ka whakamahia ētahi rautaki whakawhitiwhiti kōrero e mau ai te kaipānui, te kaiwhakarongo.
<i>whakaahua</i>	Ka whakaatu ā-kupu i te momo reo me ngā āhuatanga motuhake.
<i>whakamārama</i>	Ko te whakawhānui ake i te whakaahuatanga o tētahi momo reo me ngā āhuatanga motuhake kia kōrerohia ai ngā take i puta ai aua āhuatanga motuhake. Me whai whakaaro ki ngā pātai pēnā i te 'me pēhea', me te 'he aha ai'. Me whai whakaaro anō ki te momo reo i te ao, i ōna ake wheako anō hoki.
<i>whānui</i>	Kua whai whakaaro ki ngā āhuatanga matua me ētahi āhuatanga whāiti o te momo reo kua ākona.

- 4 I tēnei paerewa, ka tautohua ngā āhuatanga o te reo i roto i tētahi momo reo kua āta ākona.

Me hāngai te reo me te momo reo ki te Taumata 6 o *Te Marautanga o Aotearoa*. Me whakatauiria ngā momo reo i ngā āhuatanga motuhake e tautohua ana i te paerewa nei, kia āhei ai te ākongā ki te whakaatu i ngā pūkenga me ngā māramatanga e tika ana.

- 5 Arā ngā Tikanga Aromatawai mō tēnei paerewa paetae, kei: <https://ncea.education.govt.nz>.

- 6 Kuputaka

āhuatanga motuhake	<i>special (unique) feature</i>
hāngai	<i>relevant</i>
horopaki	<i>context</i>
huahuatau	<i>metaphor</i>
huarite	<i>rhyme</i>
kīpeha	<i>figurative expression</i>
kīrehu	<i>idiom</i>
koi	<i>succinct</i>

kupu taurite	<i>synonym</i>
mahara	<i>recall</i>
mōhiotanga waiwai	<i>basic understanding</i>
momo reo	<i>genre, text type</i>
pānga	<i>effect, impact</i>
popoto	<i>concise</i>
reo peha	<i>figure of speech</i>
toikupu	<i>poetry</i>
tōtōpū	<i>robust, thorough</i>
wetewete reo	<i>grammar</i>
whakaari	<i>drama</i>
whaihua	<i>to have value, effective</i>
whaitake	<i>appropriate, purposeful</i>
whakatauirā	<i>give examples, exemplify</i>

Kōrero Whakakapinga

I whakakapingia ngā paerewa 91657-91668 e ngā paerewa 92073-92076.

Tātari Kounga

1. Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
2. Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakaōrite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233
